

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 3662 del 28/12/2024

Manà fora su Trentino Tv l program l vegn endrezà dal Comun General de Fascia

“Pedies”: l é fora la puntata #466 del program ladin per la televijion

Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata 466.

I argomenc de chesta setemèna l é:

L projet del Comun General de Fascia “A-Majon” l va inant e ades l se à endrezà ence co na Gift Card. Chesta la neva prejentèda instadì per didèr l’economia locala e fèr a na maniera che la jent del post la posse jir a comprèr e s’emprevaler di servijes te la val.

L coro Enrosadira l à portà dant n concert da Nadèl dut particolèr. Nia più na rassegna con etres cores, ma piutost n moment dedicà a la comunanza de Moena de gra ence al didament di bec de la Pruma comunion. Na maniera per descrorir i leames sozièi e fèr crescer la colaborazion.

L temp de Nadèl sessaben l é temp de festes, momenc per stèr adum, se magnèr na speisa en familia o en compagnia e apede se beiver ence zeché de bon. Col didament de Roberto Anesi, mior sommelier del 2017, porton dant la carateristiches e la calitèdes de desvalives vins.

I report de chesta setemèna, enjigné da Riccardo Zanoner, Angela Pederiva e Sabrina Riz, i vegn porté dant da la ousc de **Riccardo Zanoner**.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol,

“Pedies” l va fora su Trentino Tv vigni sabeda da les 18.00 (sie da sera), de domenia da les 13.30 (mesa la does domesdì) e de lunesc da les 11.30 (mesa les doudesc).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

opuramente se pel veder i servijes un a un su la piata Facebook de TV Ladina.

<https://www.facebook.com/TelevijionLadina>

(us)